

Ozetta da scoula

2 / 2019
schnier, 4. annada



Nic: Quist lavur m'ha parü fich bel perquai chi'd es alch cha no pudain eir dovrar e mincha mat po esser superbi da seis curtè da gialoffa, impustüt sch'el til ha fat svess.

Gianluca: Tuot quellas uras cha no d'eiran vi dal glimar d'eiran ün pa stantusas, ma per quel bel resultat haja rendü da tour quel temp e's dar fadia. Uschè ün curtè as poja adüna dovrar schi's sta in Engiadina.

Borislav: Our dad ün toc metal e dad ün toc lain vaina fat ün bellischem curtè. E quel as poja dovrar eir davo our d'scoula. I'm para flot cha no stuvaivan avair svess ideas pel design dal curtè.

Marco: Il lavur d'eira fich pretensius e per part eir stantus. I's stuvaiva glimar fich bler, quai chi'd es davo duos lecziuns ün pa lungurus. Ma a la fin d'eira il resultat uschè bun, cha'l lavur ha rendü in mincha cas.

Niclas: I d'eira propcha bel da far ün curtè, impustüt per ün pes-chader sco eu. La lavur d'eira perfetta, na massa simpla ma eir na massa greiva. I d'eira bel a lavurar cun corna e metal. No vain eir pudü crear nossa aigna fuorma dal curtè.

Zeljko: Eu n'ha fat jent uschè ün curtè perquai ch'el guard'oura fich bel ed i's po adüna darcheu til dovrar. Ma blera lavur esa schon, ma schi's lavura in gruppera e's discuorra culs collegs, uschea passa il temp fich svelt.

Andri: A mai ha plaschü quist lavur perquai chi's vezzaiva chi capita alch. Ma fin chi's vaiva üna jada la fuorma dal curtè as glimaiva üna ter pezza. E davo glimar cun palperi da vaider fin chi d'eiran oura ils sgraffels. I's douvra «halt» ün pa pazienzcha.



Exposiziun proget d'art da la scoula e scoulina da Sent

La scoulina e la scoula da Sent s'hann occupadas culs artists Niki de Saint Phalle e Jean Tinguely. Quista prümavaira han las giuvnas artistas ed ils giuvens artists preschantà cun plaschair lur aignas ouvras d'art illa Grotta da Cultura a Sent. Suotwart vezzaina ils scolars e las scolaras fatschendats dürant ils process da laver e singulas ouvras finidas.



-> Ulteriuras fotografias da las bellischmas ouvras e da l'exposiziun as rechattan sulla website da la scoula:

www.scoula-scuol.ch/sent/program da l'on.

GUardEZ

Las scolaras ed ils scolars han inscuntrà a l'artista indigena Laura Bott in sia chasa, là ingio ch'ella viva e lavura. Laura ha muossà seis purtrets ed ün da quels han ils uffants perfin pudü tour in scoula. In preschentscha da l'artista han ils uffants dit che ch'els vezzan e lura provà da s'imaginar che chi capita sül purtret. Quia as poja leger lur ponderaziuns. Il purtret da Laura, chi's vezza suotwart, as poja dal rest volver in mincha direcziun, güst uschè sco ch'el plascha il meglider.

I d'eira üna jada ün hom
chi chaminaiva tras la
palü. El es chaminà fin pro
l'assa cotschna e lura è'l
sigli giò aint ill'aua.

Severin

Ün hom chi'd es trat
aint per la nozza
chamina 50 kilometers.

Nicolin

Id es üna locomotiva e
quella lascha our da la
foura cotschna füm alb.

Kim

Tü croudast giò dad üna
foura, là sun aint squals. Il
tren va süls binaris. I vain
vapur our dal chamin.

Michelle

Umans chi sun sün üna
sglischaduoira dad aua
sglischan aint ill'aua
fraida.

Sina

Per mai guarda quai oura
sco il vulcan Ätna, ingio
chi vain oura lava e füm.

Laurin

La princessa culs chavels
glüschaunts ha ün bindel
cotschen.

Leonor

Immez il desert es ün grond vulcan
chi explodischa ed our da quel
vulcan vain oura lava. Sül tet da
nona Barbara es ün grond chamin
ed our da quel chamin vain oura
füm.

Janina

Il splerin va tras not e
naiv.

Talin

Il rai ha üna barba ed el ha
üna curuna naira.

Aaron

I d'eira üna jada ün
piertan e lava.

Damian

Id es üna gronda
butiglia cun aint aua e
quell'aua cula our da
la butiglia aint in ün
bogn.

Selina

Aint in ün chastè es üna
foura e quella es
chafuolla. I d'eira üna jada
ün vegl tren. Ün piertan es
plain aua.

Lars

Aint il chastè es üna
foura gronda e schi's
crouda aint illa foura
as esa aint illa lava.

Leandro

La matta ha üna mascha, quella
mascha ha ün nuf cotschen.
Üna vart d'eira blaua, üna vart
d'eira gelgua.

Melia

Entradas

Letizia Strimer

Letizia Strimer ha fat fingià duos substituiuns in nossa scoula. In alch maniera tocca ella fingià ün pa pro nos team e nus eschan fich cuntaints ch'ella s'ha decisa da tuornar davo il temp da stüdi darcheu in Engiadina e surtour üna plazza da s-chalin ot a Scoul. Ella ha fat la matura a l'Institut Otalpin a Ftan e davo a Berna duos stüdis, ün da psicologia ed ün da magistra dal s-chalin secundar.



Paride Nussio

Paride Nussio es nat e creschü sü giò'l Puschlav, davo il giersunadi da mecaniker ha el absolt la scolaziun da magister primar a la Scoul'ota Pedagogica a Cuoira. Intant instruischa el illa Scoula Bilingua da Rheinau a Cuoira. Seis giavüsch da pudair viver in Engiadina Bassa s'ha accumplici cur ch'el es gnü elet sco magister primar illa scoula da Ftan.



Sidonia Caviezel

Sidonia Caviezel es creschüda sü a Martina. Davo la matura a la Scoula Chantunala a Cuoira ha ella fat ün stüdi da musica e davo amo üna stüdi da magistra primara a la Scoul'ota Pedagogica a Cuoira. Ella ha surtut in october passà üna substiuun per s-chars ün semester illa 2. classa primara da Scoul. Ihs fa grond plaschair ch'ella ha decis da surtour l'on chi vain ün pensum da pedagoga curativa. Ella cumbina il pensum cun ün pensum pro la scoula da musica.



Madlaina Gaudenz

Madlaina Gaudenz es creschüda sü a Favuogn, ma es fingià daspö divers ons daplü da Scoul co da la Val dal Rain. Ella ha fat la matura a l'Institut Otalpin a Ftan e davo il stüdi da magistra primara. Davo duos ons sco magistra primara a la Punt Chamues-ch ha ella decis da surtour ün pensum parzial illa scoula primara da Scoul. Ella parta la plazza da magistra da classa cun Ottiglia Augustin chi redüa seis pensum. Madlaina surpiglia amo singulas lecziuns cun otras classas da primara (etica, disegn e chant).



Werner Fischer

Werner Fischer sta a Ftan, es magister da gimnastica a l'IOP e guida da muntogna. Causa seis fich grond indschein s'ha el perfecziunà ed instruischa eir zambriar (ATT) al s-chalin ot a Samedan. Ihs fa grond plaschair ch'el ha decis da surtour eir 5 lecziuns da zambriar cun lain e metal a Scoul. Nus sperain cha seis püf ans fetscha qua o là eir üna visita ill'instrucziun.



Judith Cantieni

Judith Cantieni es creschüda sü ed ida a scoula in Samignun. Sia scolaziun da magistra primara ha ella absolt a la Scoul'ota Pedagogica a Lucerna. Ella es gnüda eletta sco magistra primara cun ün pensum parzial. Davo seis congedi da maternità surpiglia ella las lecziuns da tudais-ch da la 3-6 avla classa a Ftan.



Susanna Schucany

Davo desch ons tuorna Susanna Schucany darcheu inavo illa scouline da Ftan. Susanna es creschüda sü a Ftan ed es mamma da traïs uffants. Ella es gnüda eletta per instruir gimnastica da scouline sco eir per ün pitschen pensum da l'instrucziun da scouline.



Salome Meuwly

Salome Meuwly es magistra da scienzas a l'Academia Engiadina a Samedan e sta fingià daspö divers ons a Scoul. Ihs fa grond plaschair ch'ella es stata pronta da surtour üna classa da natüra e tecnica dürant il prüm semester da l'on da scoula 2019/20. Ella pussibiltescha uschè a Letizia Strimer da finir sia laver da master. A partir dal seguond semester surpiglia lura Letizia quista classa.



Francisca Rebelo

Francisca Rebelo es gnüda eletta sco nouva pedella da la chasa da scoula da Scoul. Ella deriva oriundamaing dal Portugal, es però fingià 28 ons quia a Scoul ed ha fichi grond'esperienza in quista funcziun. Tanter oter es ella stata ingaschada blers ons pro'l Bogn Engiadina a Scoul. Ella ha sustgnü ad Elmar Schöpf eir dürant ün temp transitori dürant quista prümvavaira.



Curdin Florineth

Davo cha Judith Cantieni es gnüda eletta sco magistra della scoula da Ftan ha ella stuviù dar giò sia carica sco cusgliera da scoula. Pel sez da Judith Cantieni es ils 19 da mai 2019 gnü elet Curdin Florineth sco nouv commerber dal cussagli da scoula per la fraczin da Ftan. No eschan fich cuntaints da sia tscherna e til dschain – bainvgnü!



Per la chüra d'uffants chi cumainza in avuost 2019 vaina pudü eleger a Claudia Rossi da Scoul e Lina Florineth da Ftan. Ellas cumainzan cun quista nouva spüerta e no tillas ingrazchain fingià uossa per la laver preparatoria prestada fin uossa. Dalpü dad ellas e da la chüra d'uffants pudais leger illa prosmma gazetta da scoula.

A tuot las personas nouvelettes laina bivgnantar in nossa scoula e tillas giavüschain tuot il bun. Nus ans allegrain da pudair collavurar in avegnir cun elllas.

Sortidas

Jachen Puorger

Daspö il 1985 instruischa Jachen Puorger illa scoula reala da Scoul. In december da quist on cumplischa'l il 65avel anniversari e po ir illa pensiun meritada. Jachen es stat dürant tuot ils ons ün magister da scoula reala cun corp ed orma ed ha preparà la fundamanta da fich bleras scolares e scolars per chi possan inchaminar la vita professionala. Ihs roms manuals til stan specialmaing a cour ed el ha impustüt pisserà cha eir i'l temp dad hoz nu perdan quels tuot l'importanza. Ihs a cour dad ingrazchar ad el per tuot seis sustegn cha nus vain gnü tuot quists ons. Per seis temp

da pensiun giavüschaina bler plaschair cun tuot seis hobis illa natüra e vain plaschair sch'el ans fa qua o là üna visita e'ns cussaglia inavant pro l'Hom Strom.

Evelina Lehner

Evelina instruischa daspö bod 30 ons illa scoula da Ftan. Sia professiun ha ella fat cun corp ed orma. Il prüm culla 1.-3. classa, plü tard lura culla 4.-6 avla classa. Dürant tschinich ons es ella eir stattu coordinatura pella scoula, avant co cha las scoulas sun gnüdas manadas in tuot las fraciuns. Ella es adüna stattu avertta per bleras fuormas d'instruir ed instancabla dad ir a la LEGR sco delegada. Per sia pensiun tilla giavüschaina da cour be il meglder e ch'ella possa gioldair mincha di seis temp sainza obligs e structuras.

Ursina Stecher

Ursina ha instrui dürant 10 ons ün pensum parzial illa scouline da Ftan. Seis rom principal d'eira la gimnastica ma eir in scouline s'haja gnü blers e beis mumaints insemel. Per seis ingaschamaint tilla laina ingrazchar e giavüschar per seis avegnir be il meglder.

Peter Fröhlich

A Peter laina ingrazchar per la sfida ch'el ha surtut quist on cun instruir la gimnastica da la 3. fin 6 avla classa a Ftan. Davo seis on da congedi tuona el darcheu illa Scoula Chantunala a Cuoira. Per seis ingaschamaint til laina ingrazchar da tuot cour e giavüschar tuot il bun per seis avegnir.

Maia Grond

Maia Grond ha instrui 8 ons nodar a la scoula primara da Tarasp. Ella ha fat quai cun grond ingaschamaint pel rom. Ella es stata fich flexible cun surtour gruppas d'età masdadas e cun adatlar l'instrucziun tuot tenor la situaziun. Grazcha fich per teis grond ingaschamaint! Per l'avegnir at giavüschaina amo bleras uras plain plaschair in apoteca ed aint il Chantunet da cudeschs, ma gioda eir teis temp liber!

Ingrazchamaint

Plüssas personas han fat rimplazzamaints illa scoula da Scoul. Ün special ingrazchamaint per tocca ad **Annina Mengiardi, Babina Hewi e Vitus Grond**. Quistas 3 personas han surtut rimplazzamaints plü lungs e pisserà per bunas cundizioni d'imprender per nossas scolares e noss scolars dürant ün temp plü lung. Ihs ha fat grond plaschair d'avair gnü lur sustegn uschè spontan, adonta chi vessan uossa eir merità da pudair avair üna pensiun plü quieta.

Mortori

Elisa Schöpf-Bischoff (1961 – 2019)

Id es fich trist da stuvar scriver pella terza jada in davorouda ün text per s'algordar dad inchün. Üna bunura bod n'haja survgni ün trist telefon da seis hom Elmar cha Elisa haja gnü da gnir reanimada e sajä gnüda transportada culla REGA a Cuoira. Displaschaivelmaing nu s'ha ella plü remissa ed es morta als 23 favr 2019 cun be 58 ons. Ella toccava pro la chasa da scoula ed i'ns manca da pudair barattar adüna darcheu ün pér pleuds cun ella, cur chi's tilla inscuntraiva sün s-chala o illas stanzas da scoula dürant ch'ella faiva sia laver. Elisa ans restarà in bona memoria. A la famiglia giavüschaina blera forza.



Infoinformaziuns dal cussagl da scoula

Il cussagl da scoula es quist on gnü confruntà cun ün nomer da scolarins da scoulina inaspettà. D'utuon cur cha no fain il büdschè per l'on chi vain, guardaina quants scolarins cha no varan l'on davo e fain diversas otras calculaziuns e planisaziuns. No calculain cun cifras chi's paran realisticas, ma stain natüralmaing verer differentes aspets e nu pudain excluder fingià quella jada tuot las casualitats. L'utuon passà sauvina chi darà üna classa relativamaing gronda, ma cun üna cifra chi füss tenor no statta supportabla per ün on.

Quel nomer s'ha però müdà davo avair survgni las annunzchas pel nouv on da scoulina ed impustüt sun fin aint pel mais marz gnüts pro amo diversas annunzchas implü. Quai voul dir cha invezza da 54 uffants (duos annadas) in scoulina vaivna 61 uffants. Üna situaziun inaspettada e na previssiba, però eir üna situaziun cha no vain gnü d'agir, perquai cha in nossas traïs scoulinas nun esa possibel dad instruir a 61 uffants. Il cussagl da scoula ha fat diversas ponde-

raziuns, calculaziuns, retscherchas e sclerimaints – la situaziun es fich complexa ed i'ns staiva a cour da chattar üna buna soluziun pels uffants ed eir per las muossadras. Finalmaing eschna gnüts a la conclusiun dad ir per ün on cun 8 uffants our da nostra fracciun a scoulina. In dumonda gnivan las fracciuns da Ftan ed Ardez chi han quist on chi vain gruppas plütöst pitschnas. Davo avair decis per la fracciun da Ftan, as haja orientà als genituors da tuot ils uffants da scoulina dürant üna sairada d'infoinformaziun e sperà chi's chatta 8 uffants chi van voluntariamaing sü Ftan a scoulina. Quai es eir stat il cas e no dal cussagl da scoula eschan fich cuntasnts da quist fat. Dimena, prossem on da scoula va üna gruppa dad 8 scolarinas e scolarins da prüma e seguonda scoulina sü Ftan a scoulina ed ils uffants da Ftan s'allegran dad avair quist on chi vain nouvs conscolars. Quista soluziun cuntradischa vairamaing la missiva da fusiu chi disch cha'l's uffants stopchan ir in quella fracciun chi stan a

scoula e scoulina. In vista al fat da la situaziun extraordinaria, però eir cha no eschan persvas d'avair chattà üna buna soluziun per tuot las varts, vaina decis per quista varianta. No lain però eir intunar chi'd es ün'excepziun e cha no stopchan in futur verer per üna soluziun perdüraivla per las scoulinas da Scuol.

Plan da scoula 2019 / 20

Scoula	Vacanzas
19.08.2019 - 04.10.2019	05.10.2019 - 20.10.2019
21.10.2019 - 20.12.2019	21.12.2019 - 05.01.2020*
06.01.2020 - 29.02.2020	01.03.2020 - 09.03.2020
10.03.2020 - 01.05.2020	02.05.2020 - 17.05.2020
18.05.2020 - 26.06.2020	27.06.2020 - 16.08.2020

* Il Nadal da scoula ha lõ a Sent ils 24 da decembre (mardi)

Üsanzas

Ftan	Scoul
20 dec. 2019	Nadal da scoula
1. favrer 2020	Schüschaiver
28 favrer 2020	Talocs
29 favrer 2020	Chalandamarz

Sent	Tarasp
24 dec. 2019	Nadal da scoula
29 favrer 2020	Chalandamarz

Ardez	Guarda
**	Nadal da scoula
1. marz 2020	Chalandamarz

** la data dal Nadal da scoula ad Ardez e Guarda vegn datta cuntschainta plü tard

Dis da festa

1. nov. 2019	Festa da tuot ils Sonchs (be la scoula da Tarasp)	10 - 13 avrigl 2020	Pasqua
6 schner 2020	Ils traïs rais (be la scoula da Tarasp)	31 mai - 1. gün 2020	Tschinquaisma
21 - 22 mai 2020	Ascensiun + Punt d'Ascensiun		

Quist chalender rimplazza tuot ils chalenders chi sun gnüts publichats plü bod!

Scoula Scoula

Manader da scoula	Mario Rauch	mario.rauch@miascoula.ch
Secretaria	Gretta Ursina Garcia-Nogler	Tel. 081 861 27 62
Pedel	Elmar Schöpf	Tel. 081 861 27 60
Tel. stanza da magisters	081 861 27 63	
E-mail	gretta.garcia@miascoula.ch	
Uras da büro	lündeschdi 14:00 - 15:15 e gövgia 08:00 - 09:30	

Scoula Sent

Manader da scoula	Gian Caviezel	
Pedel	Silvio Vital	
Tel.	081 864 05 52	
E-mail	gian.caviezel@miascoula.ch	
Uras da büro	mardi 15:15 - 16:15 e marcurdi 10:00 - 11:00	

Scoula Ftan

Manadra da scoula	Martina Näff-Benderer	
Pedella	Raja Schulze	Tel. 081 860 38 24
Tel. stanza da magisters	081 864 09 29	
E-mail	martina.näff@miascoula.ch	
Uras da büro	lündeschdi 14:00 - 16:00	

Scoula Tarasp

Manadra da scoula	Aglaja Gallmann	
Pedella	Seraina Ammann	Tel. 078 764 61 79
Tel.	081 864 01 29	
E-mail	scoula.tarasp@scuol.net	
Uras da büro	aglaja.gallmann@miascoula.ch	
	gövgia 14:15 - 15:00	


Scoula Ardez

Manader da scoula	Duri Janett	duri.janett@miascoula.ch
Pedella	Marie Luise Taisch	Tel. 079 469 12 03
Tel. stanza da magisters	081 862 23 10	
Uras da büro	gövgia 13:30 - 15:30	

Daspö october 2018 vain nus ün local nouv per l'instruczion dad ATT (art textila e tecnica). Duonna Marlyse til ha drizzà aint cun elemaints chi d'eiran avant man e cun parts nouvas in ün möd fich pratic. Uossa vaina tuots plaschair d'avair ün bel local in chasa da scoula.

INGIAVINERA CUN PREMI

Bun divertimaint cun schoglier noss'ingiavinera !



Soluziun:

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26

horizontal:

- 3.Cun quai faina gnir glisch il lain.
- 7.Cun quai tagliaina palperi.
- 9.Cun quai faina gnir plat e qualiv la stoffa.
- 11.Per segnar sün ün lain ün angul da 90 grads as douvra il ...
- 13.Üna resgia cun ün nom d'ün pajais: resgia ...
- 14.Cun che üsaglia as faja fourinas?
- 15.Per tunar aint guottas as douvra il ...

vertical:

- 1.Il cheu es raduond, ha üna foura ed il piz es agüz.
- 2.A la fin da la lecziun dovraina la ... per far uorden.
- 4.Id es plat, lung e ha blers nomers...
- 5.Che voul dir ATT?
- 6.Cun quista maschina as faja fouras.
- 8.Per tour oura ün scravu as douvra il ...
- 10.Cun chenün'üsaglia as tegna insembel duos lains?
- 12.Nos cudesch dad ART TEXTILA ha nom ...

Disegns cus fil 1.e 2.classa



Za via privlusa
 Vezzaus vus eir qui cha bus
 vezzozh sun quist partret?
 Vezzaus vus piapch il monstre Pichi?
 El ha 29 ans.
 Pichi es nat ils 1.schizzi. Il monstre
 ha 5 öglis e dants schnuivels.
 Pichi viva ante in un fop grand, verd
 e privlus. Id es stat flot a far
 quists disegns.
 Maïna e Silvan



Il charà
 El ria. Qual es il più bel
 disegn cha nus vain fat.
 Culla prüm' ögliada vain nus
 vis un charà. El ha una
 gronda bocca. El ha nom Mimi.
 Il charà viva insembel
 cun amo desch öters charals.
 La stalla es a Ftan.
 Iis duos avust ha Mimi anniversari.
 D'un ögl es el arb.

Mas e Bianca



La mûr
 Qui a as vezza una mûr. Quist disegn
 vain nus fat cun grand
 plaschair. Cur cha nus vain vis ta
 mûr eschta stats stuts. Vezzais
 las cultur? I's vezza verd
 cler e verd s-chör. Ils disegns cul
 fib sun grouts blets.

Elm

Gianna



IL SPLERIN
 Quist es un splerin magic
 perquai chiel es gelg.
 Il disegn vain nus fat
 cun un toc fil e bognà
 quelaint in cultur. Nus
 vain dat gronda fadia e
 fat fich jent.
 Mia e Milena



**Quistas scolaras e quists scolars
bandunan davo 9 ons nossas scoulas.**

**Per l'avegnir tils giavüschaina
tuot il bun!**



Silvano Pua
Paur




Talina Lea Richert
MPA



Gian Andri Stricker
Paur



Noelle Taisch
Giersunadi da commerzi



Fabio Zanetti
Bacher



Laura Trottmann
FAGE



Not Zanetti
Paur



Jessica Pereira Braga
Cuaffosa



Gianluca Schucany
Marangun



Bigna Florineth
FaBe



Niclas Koppenberg
10.avel on



Zeljko Milojevic
Installatur sanitairc



Nic Florin
Electricist



Norvin Sieber
Giardinier



Andri Peer
Electricist da rait



Linard Bonorand
Falegnam



Finja Waldvogel
Giersunadi da commerzi



Marco Bucek
10.avel on



Severin Fasani
Electroinstallateur



Alina Hauser
Giersunadi da commerzi



Laura Koppenberg
10.avel on



Fabian Mayer
Electroinstallateur



Romina Koller
Specialista da restorant



Borislav Zaric
Electricist da rait



Livia Purtscheller
Florista